

## ХАЙРУЛЛО БОЗАРОВ: ПАХТАЧИЛИКДА ЭНГ АВВАЛО, КУЗГИ ШУДГОР ИШЛАРИНИ ВАҚТИДА, СИФАТЛИ БАЖАРИШ ЛОЗИМ

Вилоят ҳокими Хайрулло Бозаров Ёзёвон туманини ижтимоий-иктисодий ривожлантириш бўйича ишлаб чиқилган “Йўл ҳаритаси”га кўра амалга оширилаётган ишлар билан танишди.

“Бахромбек” фермер хўжалиги негизида Дон маҳсулотларини қайта ишлашни ташкил қилиш кластер лойиҳаси 1,1 гектар майдонда бунёд этилаётган бўлиб, ушбу лойиҳа қиймати 5,5 миллиард сўмни ташкил этади. 500 минг АҚШ долларлик банк кредити йўналтирилган. 35 та иш ўрни яратилади. Йиллик ишлаб чиқариш қуввати 20 минг тонна. Вилоят ҳокими олиб борилаётган қурилиш-монтаж ишлари билан қизиқди, кредит масаласида топришиқ берди.

Ёзёвон шаҳарча фуқаролар йиғинида бунёд этилаётган замонавий иссиқхона қарийб 3 гектар майдонда ташкил этилган. Лойиҳа қиймати 4,2 миллион сўм. Унинг тўлиқ амалга оширилиши натижасида 11 та иш ўрни яратилади. 300 минг АҚШ доллари миқдорида хорижий кредит линияси шакллантирилган. 1,2 миллиард сўм маблағни тадбиркор ўз ҳисобидан сарфлайди. Вилоят ҳокими тадбиркор билан сухбатда лойиҳанинг натижадорлигига эътибор қаратди.

Вилоят ҳокими Андижон-Тошкент магистрал йўлининг Ёзёвон тумани, Гулистон маҳалла фуқаролар йиғини худудида ташкил этилган пахтани қайта ишлаш орқали нотўқима маҳсулотлар тайёрлаш лойиҳаси билан танишди. Лойиҳа қиймати 4 миллиард сўмни ташкил этади. 3,2 миллиард сўм банк кредити, қолгани эса тадбиркорнинг ўз ҳисобидан шакллантирилган. Йиллик 2,9 миллион погона метр маҳсулот ишлаб чиқариш қувватига эга. Эътиборлиси, бу ерда пахта қайта ишланиб, 2,3 қаватли калава ип тайёрланади. Келгусида ундан сочиқ ишлаб чиқариш йўлга қўйилади. Шу ернинг ўзида пахта чиқиндисидан той пахта тайёрлаш цехи ҳам ташкил этилган.

Ёзёвон туманида 16 минг 645 гектар экин майдонлари мавжуд бўлиб, 126 фермер хўжаликлари фаолият кўрсатади. 7 600 гектарда бошоқли дон, 5 210 гектарда пахта ҳосили етиштирилади. Қарийб 600 гектар майдон кластерга берилган. Туманда 8 та фермер хўжалиги режани бажармаган. Далаларда эса пахта ҳосили кўп. Уни қуёшли кунларда нест-нобуд қилмай йиғиштириб олиш бўйича терим ишлари ташкил этилмоқда. Вилоят ҳокими Ҳайрулло Бозаров туманда пахта йиғим терим жараёнларининг бориши билан яқиндан танишди. Теримчилар билан сухбатда бўлди. Самимий сухбат чоғида улар учун яратилган шароитлар, терим пулларининг берилиши ҳамда рағбатлантириш жараёнлари билан қизиқди. Вилоят раҳбари қаердаки рағбат бор экан, кўзланган мақсадга эришиш мумкинлиги, унумдорлик юқори бўлишини таъкидлади. Ҳамда терим ишларида уюшқоқлик билан қатнашаётганликлари учун терим иштирокчиларига миннатдорчилик билдириди ва совғалар топширди.

Вилоят ҳокими фермер хўжалиги дала майдонида бўлар экан, агротехник тадбирларнинг олиб борилиши, кўзланган пахта ҳосилини йиғиштириб олишда нималарга эътибор қаратиш лозимлигига тўхталди.

- Пахтачиликда энг аввало, кузги шудгор ишларини вақтида, сифатли бажариш лозим. Қолаверса, ер банинети, иқлим шароитига мос навларни танлашда илм билан инновацияни ҳамкорликда олиб бориш керак, - деди вилоят ҳокими. Шундагина, бугунгидек 30 центнер эмас, 40 центнерга етказиб ҳосил олиш мумкин. Ҳайрулло Бозаров фермер хўжаликлари раҳбарларига 2021 йил пахта ҳосилига тайёргарлик ишларини олиб бориш юзасидан йўл-йўриқлар кўрсатди.

Терим ишлари билан танишиш жараёнида ҳар қарич ердан унумли фойдаланиш зарурлигига эътибор қаратар экан, вилоят ҳокими туманда ери олиб, уни ташландиқ ҳолга ташлаб қўйиш ҳолатлари мавжудлигини танқид остига олди. Ҳамда бундай ҳолатларга чек қўйиш бўйича тегишли топшириқлар берди.

Албатта, пахтачиликда кўзланган ҳосилга эришишда кузги шудгор ишларини белгиланган агротехника талаблари асосида олиб борилиши муҳим аҳамиятга эга. Ернинг чуқур ҳайдалиши ҳосилдорликнинг юқори бўлишилигининг асосий омилларидан. Бу эса техника воситаларининг тумандаги марказий трактор парки “Ёзёвон транс сервис” масъулияти чекланган жамиятида бўлди ва ҳолат билан яқиндан танишди.

- Бугун, фермер хўжалиги раҳбарлари ўзига керакли замонавий техникалар харид қилаётган бир

---

пайтда, марказий трактор паркида атиги 11 та техника борлигини қандай баҳолаш мүмкін?, - деди вилоят ҳокими. Ачинарлиси, уларнинг аксарияти таъмирталаб ҳолда. Мутасадди раҳбарларнинг эътиборсизлиги, масалага чуқурроқ ёндошмаслиги оқибатида ишлар ўз ҳолига ташлаб қўйилган. Нақафат техникалар, балки бутун ҳудуд ташландик ҳолга тушиб қолган. Уни тартибга келтириш, замонавий техникалар ҳарид қилиш билан эса ҳеч кимнинг иши йўқ. Корхонанинг бугунги ҳолати ночор аҳволда. Рағбат масаласи ҳам шунга яраша. Вилоят ҳокимининг механизаторлар билан қилган сухбати чоғида маълум бўлдики, корхонада бош раҳбарнинг йўқлиги, ҳар ким ҳоҳлаганича иш тутиши натижасида ишчилар ойлаб иш ҳақларини ололмай келмоқдалар.

Ҳозир 2021 йил ҳосили учун дала майдонларида белгиланган ҳайдовни агротехника талаблари асосида олиб бориш зарур. Вақт кутиб турмайди. Шу боис марказий трактор паркидаги аҳволни тубдан ўзгартириш бўйича вилоят ҳокими тегишли кўрсатмалар берди. Ҳамда юқоридаги ҳолатларни ўрганиш ҳамда зудлик билан бартараф этиш бўйича масъул идораларга топшириқлар берилди.

Фарғона вилояти ҳокимлиги

2020-10-20 07:36:26